

Anuncio

PUBLICACIÓN DA RESOLUCIÓN DA PRESIDENCIA DO 14 DE FEBREIRO DE 2019 DE MODIFICACIÓN PUNTUAL DOS CRITERIOS DE CHAMAMENTO PARA PRESTAR SERVIZOS COMO PERSOAL TEMPORAL NA DEPUTACIÓN PROVINCIAL DE LUGO.

“Tras ver a proposta do deputado delegado da Subárea de Goberno Interior, Asuntos Xerais e Formación, a teor do seguinte texto:

Por resolución da Presidencia, de 29 de setembro do 2009, establecéronse os criterios polos que se rexe a incorporación de persoal ao obxecto de prestar servizos de carácter temporal na Deputación provincial de Lugo.

Os ditos criterios de funcionamento das Listaxes de Emprego temporal foron obxecto de modificación puntual, mediante Resolución da Presidencia, de 16 de decembro de 2011, coa finalidade de mellorar o seu funcionamento.

As Listaxes de Emprego Temporal están integradas por persoal que participou en procedementos selectivos para a cobertura de prazas incluídas en Ofertas Públicas de Emprego que superaron as probas da fase de oposición e que non resultaron seleccionadas; ou por persoal que participou en procesos selectivos especificamente convocados para a incorporación de prestar servizos como persoal temporal.

As Listaxes de Emprego Temporal, que teñen unha vixencia temporal limitada, xa que se declaran caducadas aos tres anos da súa constitución, están deseñadas para permitir o reparto do emprego temporal entre os seus integrantes de tal xeito que causan baixa na mesma aqueles que prestaron servizos efectivos na Entidade Provincial por un tempo de un ano.

As Listaxes de Emprego Temporal, constituídas para cada tipo de praza/posto/emprego e grupo e subgrupo de clasificación, están ordenadas pola puntuación obtida nos procesos selectivos de tal xeito que figuran en primeiro lugar aqueles integrantes que obtiveron mellor puntuación nas respectivas probas.

Nestes anos tense constatado que, cos criterios de funcionamento actuais, pode producirse o feito de que estando prestando servizos algún dos seus integrantes na Entidade, con nomeamentos como persoal funcionario interino ou con contraos laborais de duración determinada de corta duración (substitución transitoria de titulares; acumulación de tarefas ou circunstancias da produción, segundo os supostos contemplados, respectivamente, segundo sexa baixo o réxime xurídico administrativo ou baixo o réxime laboral- art. 10.1, supostos b), c) e d) do EBEP ou art. 15 c) do ET-), xurdindo unha necesidade de cubrir unha interinidade por vacante (supostos do art.10.1 a) do EBEP ou 15 do ET), sexan preteridos e se efectúe o chamamento de aspirantes que teñan unha posición na Listaxe máis baixa dos que están traballando.

Para corrixir esta anomalía que permite a posibilidade que obteñan un emprego máis estable a persoas que ocupan unha posición inferior na Listaxe (segundo a puntuación obtida no proceso selectivo), propónse incorporar o seguinte criterio no funcionamento das Listaxes:

“Cando se produza a necesidade de efectuar nomeamentos para cubrir interinidades de vacante, os chamamentos para a incorporación de aspirantes da respectiva Listaxe de Emprego temporal iniciaranse, segundo a orde de posición da Listaxe, ofertando a incorporación tamén a aquelas persoas que xa estean prestando servizos na Entidade no momento do chamamento e realizando, en caso de renuncias, sucesivos chamamentos ata que se produza a cobertura da necesidade de nomeamento como persoal funcionario interino de vacante ou contratación laboral interina de vacante.

Igual criterio seguirase, á hora de efectuar os chamamentos, cando xurda a necesidade de cubrir nomeamentos de persoal funcionario interino de programas temporais, cuxa duración se presuma vai ser maior que os nomeamentos de persoal funcionario interino, xa efectuados, polas circunstancias recollidas no art. 10.1 b) ou d), substitución de titular ou acumulación de tarefas”

Polo anteriormente exposto e, en uso das facultades que lle confire a esta Presidencia o artigo 34 da Lei 7/1985, do 2 de abril, reguladora das bases do réxime local, RESOLVO:

Prestar aprobación á proposta anteriormente transcrita en todas as súas partes”.

Contra a presente Resolución, que pon fin á vía administrativa cabe interpoñer potestativamente recurso de reposición ante a Presidencia da Deputación, no prazo máximo dun mes dende o día seguinte á publicación da presente resolución no BOP, ou recurso contencioso-administrativo ante o Xulgado do Contencioso-Administrativo de Lugo, no prazo de dous meses e na forma prevista na lexislación reguladora de dita xurisdición, sen prexuízo de que se poida interpoñer calquera outro que se estime procedente.

Pazo Provincial, 14 de febreiro do 2019. - A SECRETARIA XERAL, María Esther Álvarez Martínez

exposto no Taboeiro de
Anuncios desta Deputación
desde o día 23-02-2019
ata a día 2-03-2019
O XEFE DA UNIDADE
PORTERÍA E VIXIANCIA

R. 0472